



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

39. Optat esse Vir dolorum, à plantâ pedis ad verticem capitis, ut re ipsâ,
pro se virum dolorum, Christum in Cruce exprimat, Johannes de Ribera,
Indus Occid. Joannes Plaza Indus incolatu.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

CVLTRIX CRVCIFIXI. 69

Reritiba, die ix. Iunij, Anno M.D.XCVII.
ætatis LXIV.

*Sebastianus Barretanus libris 4. de Vita An-
chieta. Imago primi seculi Societ. lib. 1. p. 167. lib.
5. cap. 5. p. 626. & alibi B.S.*

IX.

AMATOR CRVCIFIXI

*Optat esse Vir dolorum à plantâ pedis
ad verticem capitis, ut reipsa pro se
Virum dolorum, Christum in Cruce
exprimat.*

TALES fuerunt desiderio plurimi ex
Amatoribus CRVCIFIXI, pauciores
facto: inter quos meritò nominatur

39.
IOANNES
DE RIBE-
RA Indus.

IOANNES DE RIBERA Indus, licet
origine Hispanus, natus in Americæ
provincia, quæ Nova-Hispania dicitur.
Hic Societatem IESV ingressus, & in
eâ professus, post exantlatos in CHRISTI
Redemptoris causâ labores innumeros,
diuturno, eoque acerbissimo morbo
exercitus, & purgatus est.

*A planta pedis usque ad verticem capitis non
erat in eo sanitas; sed ulcus & plaga tumens,
scabies, & tubercula, tumoresque intrin-
seci, qui subinde animam illi ita inter-
cludebant, ut propè excluderent; co-
gebaturque mutato semper situ, quie-
ti aliquam partem quæritare, quam
nun-*

nunquam tamen inveniret.

Et inter hæc gratias Deo identidem referebat, ejusque se nutui totum permittebat, cui quo se perfectius accommodaret, historiam S. Iobi, qui viva fuit imago CHRISTI PATIENTIS sibi curabat prælegi, quam tacito deinde animo revolvebat, Recreatus autem à suo Consolatore est, mortis, ac sequuturæ salutis suæ prænunciatione certa, cujus ipse omnem articulum temporis sine errore signavit, obita eodem morte tranquillissima, Manilæ die V. Iunij Anno M.DC.XXII. ætatis LVII. ab initâ Societate XL. Huic comes erat

IOANNES
PLAZA
Indus incolatus.

IOANNES PLAZA ipse quoque origine & ortu Hispanus, qui multis in Societate muneribus perfunctus, in fines integros annos antequam è vitâ discederet, prostratus articulorum doloribus jacuit perpetuò affixus lecto, nec leniter tractari poterat, sine magnâ doloris amplificatione.

Ferebat ipse omnia æquissimo animo, & quando acerbissimus erat mortuus doloris, sublati in cælum oculis, Tu, Domine, aiebat, Tu verbera injunge: ego interim *Miserere* percurram. Et quidem tantis illum incommodis Divina Majestas exercuit, ut meritò à multis diceretur Societati donatus, ut posteris daretur EXEMPLVM PATIENTIÆ.

HOC

IMITATRIX CRUCIFIXI. 71

Hoc autem toto tempore, nihil in servandis Ecclesiæ præceptis, de sua pristina severitate remisit. Horariæ certè precationis pensum, etiam si ad vertenda folia alienis manibus indigeret perseveranter exsolvit; donec tandem victus morbis è vitâ Mexici discessit, Anno M. DC. II. ætatis LXXV. initæ Societatis XLIX. Mexicanæ peregrinationis XXVI.

Epist. Ind. Occid. Elog. vit. B. S.

X.

AMATOR CRUCIFIXI

Crucem, amoris tenerrimi in Crucifixum tesseram, toto vitæ mortalis tempore collo appensam, in sepulchrum secum inferri curat.

PETRVS ANTONIVS SPINELLVS, natione Italus, patriâ Neapolitanus, Caroli Ducis Seminaræ filius, quæ primum die sub CRVCIS vexillo, militaturus CHRISTO Societati IESV nomen dedit, eadem ut cuius Amatorem se fore declararet, & semper versaret animo, pusillam è ligno CRUCEM comparavit, quam amanter exosculatus, ut sponsam, in fædus amoris atque memoriæ amuletum, nec non in tesseram vitæ susceptæ, ac denique affectus in eum, quem per viam CRVCIS ambulando peroprabat

40.

PETRVS
ANTONIVS
SPINELLVS
Italus.